

An Ewe Ese Nom Semirit Pwung me Wisan Noncustodial Parent's Rights and Responsibilities

KINIKININ ANINISIN SEMIRIT (DCS)

Kinikinin Aninisin Semirit (DCS):

- Awora me apochokokuna orderin aninisin semirit.
- Awora me apochokokuna niwinimangen aninisin safei.
- Nenengeni orderin aninisin semirit ika epwe wor akasiwin.
- Angei, makkei, me atourafetanei monien aninisin semirit an Washington State Support Registry (WSSR).

EWE ESE NOM REN SEMERIT

En ewe ese nom rem semirit. I ewe sam, sam momu, weseten inan ikan momu ewe epwe wisan awora aninisin moni ngeni tumunun ewe semirit. Annukun Muun me muunap re awora ei sekining.

MONIEN ANINISIN SEMIRIT

Nap ngeni kopwe chok moni aninisin semirit. Mwirin DCS a ngonuk ew esinesin om kopwe moni aninis, DCS epwe chok etiwa met ke mon ngeni WSSR, ew kapung seni ew muun ika ofesin aninisin semirit, ika ew an Indian Kapung ika ofesin aninisin semirit.

- Mwitir chok asine ngeni DCS ika pwe ew an muun ofesin aninisin semirit ika ew an Indian kewe ofesin aninisin semirit ika kapung re pwan erenuk kopwe mon ngenir aninisin semirit.
- Kosapw tinano om kewe mono ngeni emon me nukun chok ikewe ie e nom ia ewe Washington State Support Registry mei maketiw fan chinon chok ika DCS e mak ngonuk pwe a kesipw om we keis.

Nap ngeni orderin aninis mei mut ngeni DCS epwe ionj aninis seni niwinin chon angang ika angei momo seni WSSR. Ika pwe ewe order mei mut ngeni DCS epwe fori, DCS ina epwe sotuni ne angei ewe aninis seni niwinin chon angang.

Ika kose tongeni moni seni niwinum non angang, iwe mei wor unungat anen om kopwe fori om momo.

- Pwisin noum chek, money order, certified check, cashier's check, ika katotiw seni niwinin chon angang.
- Amwokuten Moni Non Fifi (EFT). EFT e amecheresi katotiwen om we momon aninis seni om akaunen checking ika savings ew maram. Ren pwan ekkoch porausen EFT, kokori 800-468-7422.
- Internet. Momon on Internet e amecheresi om momon aninis seni om we akaun ren checking ika savings. Ren pwan ekkoch porausen momo on Internet, fenino ngeni an DCS web site on kampiuter www.childsupportpayment.dshs.wa.gov.

Ika pwe om we bank e aniwini ika ese atiwa ew EFT ika momon on Internet pokiten nafangawen moni, DCS mei tongeni atiwa minafon momo ren chok foufoun moni, money order, cashier's check, certified check, ika katotiw seni niwinin chon angang.

- Kopwe fori pwe meinisin repwe no ngeni ewe Washington State Support Registry.
- Tinano meinisin momo ngeni: WASHINGTON STATE SUPPORT REGISTRY
PO BOX 45868
OLYMPIA WA 98504-5868

An epwe pwung momo, kose mochen pachenong nampan akaun IN _____ me nampan om we keis ren om momo meinisin me taropwe.

Ika pwe mei wor weweochun om kose awora aninis ren moni ngeni noum kewe semirit ika DCS e mwanino ne pachekonong non ei mwokutukut, mwitir chok asine ngeni DCS.

SAKKUN ESINESIN

DCS e tin ngonuk ew me nein ekkei esinesin chinon chok ika mei fen or ew order seni kapung e erenuk pwe kopwe momo ngeni WSSR me mutata katotiwen seni niwinin chon angang.

- Ew **Esinesinen Niwinimangen Aninissemirit me Apochokunen Momo**. DCS ekan eaa ei esinesin nupwen ew orderin aninissemirit mei affata niwinimangen aninissemirit non foufoun moni nge ese chok wor ewe ngingin kuten niwinimang non.
- Ew **Esinesinen Niwinimangen Aninis**. DCS ekan eaa ei esinesin nupwen ew order ren aninissemirit mei affata mon ewe niwinimang non ew ukukun non moni ese pok.
- Ew **Esinesin me Kuna Wisan Ren Moni**. DCS ekan eaa ei esinesin an epwe awora ew order ren aninisren ewe keis. DCS ekan affata ew aukuk anonganong on ewe **Washington State Child Support Schedule**.
- Ew **Esinesin me Kuna Wisan In Me Sam**. DCS ekan eaa ei esinesin nupwen emon sam a sainei ew **Taropwen Pwarata Nau** me ese wor order ren aninisren ewe keis. DCS ekan affata ukukun ew aninissemirit anonganong on **Washington State Child Support Schedule**.
- Ew **Esinesin ren Niwinimangen Aninis me Mak**. DCS ekan eaa ei esinesin nupwen ew an Indian kapung ika ofesin aninissemirit ika pwan ew an muun ofesin aninissemirit ika kapung e akuno ngeni DCS epwe makkei ew order ren aninissemirit. Nupwen DCS a makkei ewe order ren aninis, kich sipwe apochokuna me pwan tongeni akasiwini ewe order.
- Ew **Esinesinen Niwinimangen Aninissemirit Safei Muun E Moni**. DCS ekan eaa ei esinesin nupwen emon me nein ekkewe sam me in e kutta siwinin mon safei muun e moni pachenong copayments, deductibles, me premiums usun mei affat non WAC 388-14A-1020 ren ekkewe semirit mei nom non ewe order.
- Ew **Esinesinen me Kuna Wisan Ren Safei**. DCS ekan eaa ei esinesin an epwe awora ew annukun aninissemirit nupwen an ese wor order ren aninissemirit non ewe keis.

NIWINIMANGEN ANINISIN SAFEI

Ika ewe order fan itan kopwe awora Insuransin tumunun inis ren noum kewe, DCS epwe mwokutukut an epwe wisen a pochokuna ewe niwinimang.

Ika om orderin aninis e era ewe e nom ren ewe semirit epwe wisen awora insuransin tumunun inis ika moni safei ese fiti insurans, en mei tongeni tingor aninis seni ewe ofesin apochokuna aninissemirit me:

- Tingorei DCS epwe a pochokuna wisen ewe e nom ren semirit an epwe awora insuransin tumunun inis. DCS mei tongeni apochokuna ewe niwinimang anonganong on om we keis.
- Tingorei DCS epwe wisen ionekkewe mon safei mei pachenong copayments, deductibles, me premiums usun mei affat non WAC 388-14A-1020, seni ewe e wisen tumunu semirit.

Ika om we orderin aninis ese era ewe e tumunu semirit epwe awora insuransin tumunun inis ika moni ekkewe mon safei ese pachenong, usun mei affat non WAC 388-14A-1020, en mei tongeni tingorei DCS epwe nengen sefani an epwe akasiwini ewe order ika en mei tongeni pwisin tingor epwe akasiwin on winikapom.

SAKKUN TINGORUN AMWET

Conference Board. Ew conference board ew pekin ofesin (espw kapung) angang an DCS mwokutukut sikan eaa ach sipwe atawei chommong fitikoko, aweweni annuk, me affata pwungun poraus.

- Ew conference board mei tongeni nenengeni me ruu an kapung-order me espw seni-kapung ren keis on aninissemirit.
- Ew conference board mei tongeni tinau ew an pwung non an esapw pwan churuk. Ika epwe wor om chunong, en mei tongeni asos on om we keis me chon tutumunu ewe ofesin DCS ir mei tongeni akasiwini mefian DCS kewe me mwan. Ew conference board mei tongeni siwini met noch kewe chon angang re fori nge sise tongeni siwini fofof mei nom non annuk.
- DCS epwe asine ngeni ir me ruu pekin ngeni om we order ren aninis nupwen a torikich ew tingorun ew conference board. Ir me ruepwek mei tongeni nom non ewe conference board.

Mwichen Atawe (arongorong). Ew arongorong ew pwan an pekin ofesin angang. Ew arongorong e watte maffenan seni ew conference board nge kukkun maffenan seni ew angangen kapung.

- Annukun Muun e chok awora arongorong ngeni ekkoch osukosuk. Ika DCS e ngonuk ew esinesin, ewe esinesin mei erenuk ika pwe mei wor om pwung ren ew arongorong. Emon Soukapungun Ofes (ALJ) epwe wisen aani ewe arongorong. ALJ ir esapw noun DCS chon angang.
- Non ew arongorong, emon ALJ epwe nengeni om we keis iwe wau pwungun. Om kopwe akounoi noum we order ren aninisin semirit, kopwe chok tingor ew arongorong esapw mang seni 20 ran (ika ke angei noum we esinesin non Muun Washington) ika esapw mang seni 60 ran (ika ke angei noum we esinesin nukun Muun Washington) mwirin om angeni noum we esinesin.
 - En mei tongeni tingor ew arongorong mwirin ewe 20 ika 60 ran aukuk. Nge, DCS epwe apochokuna noum we order ren aninis tori ach sipwe angei ew pwungun arongorong. DCS esapw aniwini ngonuk ew moni e angei senuk nupwen an witi mumutan ew arongorong.
 - Ika ke tingor ew arongorong nap seni ew ier me mwirin om angei noum we esinesin, mi auchea om kopwe affata popun mei och. (ew wewen mei och ren an mang om tingor) Ewe ALJ mei tongeni esapw mutata om we tingor mei mang. Nge, en mei tongeni or rem ew pwung ren ew akasiwinin om niwinimangen aninisin semirit ika mo pwe ese or wewen mei och an mang om we tingor.
- Epwe titi ngonuk ew kapin an ewe ALJ pwung. An ewe ALJ we pwung epwe nom porausen om kewe pwungun amwet non.
- Ika epwe och, DCS epwe esine ngeni ir me ruepek non ei order ren aninis nupwen sia angei ew tingorun arongorong. Ir me ruepek mei tongeni nom non ewe arongorong.

Ika e wor om kapaseis, chuno:

DIVISION OF CHILD SUPPORT (KINIKININ ANINISIN SEMIRIT)

ika kopwe kakori towau

TTY/TDD aninis ngeni aweko ika seningepung mei kawor.

No ngeni ach we neni won kapiuter: www.dshs.wa.gov/dcs

Ese wor emon epwe nefinifin ren neo, unuchan, fonuan, nuku, namanam, mwan ika fefin, ierin ika terin ren angang, aninis ika angangen ei prokram. Ei taropwe mei kawor non ekkoch pwan napanap ika emon e tingor.